

GETXO. 1997an sinatutako hitzarmena bete daian gura dau Udalak

Hainbat errepide atontzeko eskatuko deutsie Aldundiari

Zugazarten eta Maidaganen daukie beharren preminarik handiena



VERONICA MUÑOZ

Maidagan kalearen egoera txarrak auzokideen haserrea eragin dau azken sasoi honetan.

Veronica Muñoz |

Udalerritik igaroten diran hainbat foru errepide atontzeko eta ostean errepide horreen jabetza Udalari emoteko eskatuko deutsie Bizkaiko Foru Aldundiari herriko agintariak, atzo emondako prentsurrekoan herriko alkate Iñaki Zarrakoa azaldu eban. Holan, bere berbetan, Getxoko Udalak berak errepide horreek zaintzeko beharrak egin ahal izango dauz.

Getxoko Udalak eta Diputazioak, hain zuzen be, ituna sinatu eben 1997an, Aldundiko hainbat errepide Udalari emoteko. Holan gertatu da, esaterako, Makaletako etorbideagaz. Diputazioak errepide hori atontzeko beharrak egin eban, eta gero Udalari emon

eutsan titulartasuna. Inguru horretan, bidegorria egin dabe.

Oraindino, baina, udalerriko beste hainbat errepide Diputazioaren esku jarraitzen dabe, eta sano txarto egon arren konpondu barik dagoz. Bizkaiko Foru Aldundiko arduradunek emondako azalpenetan arabera, gaur egun Diputazioak ez dauka dirurik behar horreek egiteko.

Zugazarte etorbideak dauka lehentasuna

Lehentasuna, beste errepide guztien ganetik, Zugazarte etorbideari emoten deutsie Getxoko agintariak. Euren berbetan, errepide hori herritik igaroten dan biderik nagusienetakoa da, eta inguru horretan atontzeko lanak ahalik eta ari-

nen egitea preminazkoa da, errepidearen zati hori txarto txarto dagoelako.

Horrezaz ganera, Zientotxe, Ollarretxe eta Maidagan kaleetako errepideak be konpondu behar dira. Andra Mari auzoko azken kale horren egoerak, hain zuzen be, auzokideen haserrea eragin dau azken sasoi honetan. Maidagan kaleetik ibilgailu asko igaroten dira egunero, kamioi handiak be bai, eta horrek eragin zuzena euki dau errepidean, gaur egun sano hondatuta dagoelako.

Amaitzeko, beste alde batetik, Txakursolotik Algortara joateko bidean be trafikoagaz loturiko beste hainbat behar egiteko baimena emon daian eskatuko deutso Udalak Bizkaiko Foru Aldundiari.

LEIOA. Oinezkoentzako bideetan gertaturiko istripuak nabarmen gitxitu dira

Kanpaina barria egingo dabe herrian, txakurren jabeak kontzientzia daukezan lortzeko asmoz

V.M. |

Kanpaina berezia egingo dabe laster herrian, leioztarren artean, eta txakurren jabeen artean, beren beregi, animalia horreek eukiteak dakarren betebeharren ganeko kontzientziarazina lortzeko. Kanpaina barria, batez be, arriskutsuak izan leitekezan animaliak daukiezan pertsonen zuzenduta dago.

Informazio orriak bananduko dabez etxeetan, mota horretako txakurrak izateko bete beharreko baldintzen barri emoteko eta, orokorrean, txakur mota horren ganeko ordenantzearen barri emoteko.

Horrezaz ganera, Auzolan programearen barruan, herriko lagun batzuek animalien jabeek txakurren ganeko ordenantzeak esaten dauena bete daian be-

har egingo dabe, Udaleko arduradunek jakin arazo dabenez.

Hain zuzen be, Auzolan programearen barruan harturiko pertsona batzuek oinezkoentzako bideak errespetetako kanpaina be egin eben, orain aste gitxi. Horren emoitak onak izan dira eta, herriko agintariak emondako datuen arabera, inguru horreetan gertaturiko istripuak nabarmen gitxitu dira.

LABURAEAN

MUNGIA

Mungia eta Bilbo zuzenean lotzen dauzan autobus zerbitzuak %25 bidaiari gehiago izan eban zemendian

Bizkaibus enpresek Bilbo eta Mungia zuzenean lotzeko mar txan jarritako autobus zerbitzuak %25 bidaiari gehiago izan eban joan dan urteko zemendian, aurreko hileakaz alderatuta. Felix Basozabal Garraio eta Herrilan Saileko diputatuaren eritxiz, hazkunde udalerrian mar txan jarri daben mogikortasunaren ganeko plan barriari esker lortu egin da. Mungia eta Bilbo lotzen dabezan beste autobus zerbitzu guztiek be bidaiari gehiago euki dabe azken sasoi honetan, Basozabalen azalpenetan. Bere eritxiz, datuok uritarrek garraio publikoak erabilteko lortu daben kontzientziarazina handiaren ondorio zuzena da, uritarrek kotxea etxean lagateko ohiturea hartu dabelako, hain zuzen be. Bestelako garraio erabilteko joerea be nabarmendu eban Basozabalek, bizikletea besteak beste, eta horrezaz lotuta bidegorri barriaren garrantzia be aitatu eban.

MUNGIA

San Antontxuko krosa domekan egingo dabe

San Antontxu, herriko jai nagusiaren inguruan antolatzen daben herri krosa datorren domekan, urtarrilaren 12an, egingo dabe, Mungia atletismoko taldeak antolatuta, beti lez. Proba bi izango dira. Batetik, txikienentzako lasterketa egingo dabe, kilometro batetako, goizeko 10:30etik aurrera. Hori egiten daben bigarren urtea da. Proba nagusia, barriz, 11:00etan hasiko da. Izena emoteko epea bihar eta etzi egongo da zabalik, arrastiko 18:00etatik 21:00etara, herriko kiroldegian; eta domekan be, probea hasi baino lehenago. Informazio gehiagorako: 94 674 34 12.

GETXO

Lexarretako zubia atontzeko beharren diseinua agindu dabe

Gobernu Taldeak Lexarretako zubia konpontzeko proiektua idazteko beharrak esleitu barri dauz. Lan horreek, hain zuzen be, Gobel ibai bideratzeko proiektu orokorraren barruan sartuta dagoz. Zubia atontzeko beharrak diseinetako lanetan 4.089 euro erabiliko dabez. Proiektuaren helburu nagusia, herriko agintarien berbetan, Makaletako etorbideetik Larrañazubira joateko bidea hobetzea da. Ibilgailu eta oinezkoentzako bidea da hori eta, gaur egun, sano txarto dago. Zubia atontzeko aurrekontua 180.000 eurokoa izango da.

GORLIZ

Herriagaz loturiko albisteen barri emoteko atal barria jarri dabe 'www.gorliz.net' web orrian

Gorlizko Udalak sarean daukan web orrian herriaren ganeko albisteen barri emoteko atala sartu dabe, orain egun gitxi. Atal barriari esker, herrikoek eta gura daben pertsona guztiek be Uribe Kostako udalerrian gertatutakoaren barri eukiko dabe aurrerantzean. Herriagaz loturiko informazioaz ganera, Udalak hainbat arlotan egindako, edo aurreikusitako proiektuen argibide guztiak be emongo dabez atal horren barruan, besteak beste urigintzeagaz lotutako informazioa. Albiste gehien ondoan, ganera, argazkiak be agertuko dira. Gorlizko web orria osatzeko jarri dabe atal barri hau. Izan be, albisteak ez eze, www.gorliz.net helbidean agendea, bisita birtuala egiteko atala eta udal informazioa be daukiez.

AGENDA

GETXO

Zineklub zikloa: *Ocean's Eleven*, Steven Soderbergh zuzendariaren filma ikusi ahal izango da gaur, iluntzeko 20:00etatik aurrera, Areetako Gran Cinema aretoan. Saioa Getxoko Kultur Etxeko Zineklub zikloaren barruan emongo dabe, eta sarrerearen prezioa 2,60 eurokoa da. Proiektzioaren ostean foruma be egingo dabe.

Erakusketea: Carmen Ruiz artista

santurtziarrek eginiko 28 pintura ikusgai dagoz, egunokaz, Erromoko kultur etxeko erakusketa aretoan. Pintura guztiak akrilikoak dira, eta behar horreek egiteko artistek erabilitako gaiak irudiak eta paisaiak dira. Erakusketea urtarrilaren 18a arte bisitatu ahal izango da.

PLENTZIA

Erakusketea: Eduardo Gonzalezen akuarela ikusi ahal izango dira, datorren urtarrilaren 15a arte, Goñi Portal kultur etxeko erakusketea aretoan.